



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

Sumáriu Informasaun:

Serbisu no Funsionamentu Parlamentu Nasionál Lejizlatura V ho Rekomendasaun sira ba Lejizlatura VI

2023

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste
PoBox: 275
Telefone: 3323883 | 77040735
www.jsmp.tl
ana@jsmp.tl
Facebook: www.facebook.com/timorleste.jsmp
Twitter: @JSMPtl



Tabela Konteúdu

Introdusaun	3
JSMP no nia objetivu	4
Produtividade Parlamentu Nasionál nian	4
Gráfiku 1: Produtividade Lejizlatura V no lejizlatura sira seluk	5
Tabela kona-ba lei importante sira ne'ebé Lejizlatura V prodús	5
Produtividade Komisaun A	6
Gráfiku 2: Númeru lei ne'ebé Komisaun A prodús entre 2020-2023	7
Problema no Dezafiu sira	7
Pontualidade no Falta	7
Gráfiku 3: Númeru deputadu ne'ebé la prezensa iha plenária liuhusi dala 15 ba leten	8
Fiskalizasaun	9
Influénsia Política iha prosesu halo lei.....	9
Programa Lejizlasaun Nasionál	9
Partisipasaun Públika iha Prosesu halo Lei	9
Lian ka Dalen Portugés.....	10
Revizaun ba Konstituisaun	10
Konkluzaan no Rekomendasaun	11



Introdusaun

Parlamentu Nasionál (PN) nu'udar órgaun soberanu Estadu nian ne'ebé representa povu tomak ho podér atu halo lei, fiskalizaun no foti desizaun polítika hanesan prevee iha Artigu 92 Konstituisaun Repúblika Demokrátika Timor-Leste (K-RDTL). Konstituisaun mós atribui kompeténsia própriu ka eskuzivu ba PN hanesan prevee iha Artigu 95 K-RDTL no kompeténsia sira ne'ebé bele fahe ho Governu liuhosi autorizasaun lejizlativa hanesan prevee iha Artigu 96 K-RDTL.

Alende kompeténsia hodi halo lei, Konstituisaun mós atribui kompeténsia hodi halo apresiasaun ba diploma lejizlativu hosi Governu hanesan prevee iha Artigu 98 K-RDTL. Kompeténsia konstitusionál seluk mak relasiona ho garantia no revizaun ba K-RDTL hanesan prevee iha provizaun sira iha Títulu I no II Parte VI nian, liuliu iha provizaun Artigu 150 kona-ba fiskalizaun abstrata ba konstitusionalidade, Artigu 154 kona-ba iniciativa no revizaun ba K-RDTL no Artigu 155 kona-ba aprovasaun no promulgasaun ba K-RDTL.

Iha ezersíu nia knaar no kompeténsia sira ne'e no mós nia funsionamentu, Parlamentu Nasionál mós iha nia enkuadramentu legál sira própriu ne'ebé tenke kumpri. Enkuadramentu sira ne'e mak hanesan Lei Nú. 15/2008 Lei kona-ba Organizaun no Funsionamentu Administrasaun Parlamentár¹ no Lei Nú. 15/2009 Lei kona-ba Rejimentu Parlamentu Nasionál². Enkuadramentu legál sira ne'e regula kona-ba Parlamentu nia estrutura, organizaun, funsionamentu, administrasaun, jestaun no prosesu inkéritu no prosesu halo lei, fiskalizaun no foti desizaun polítika.

Iha dokumentu ida ne'e, JSMP sei sumariza informasaun sira ne'ebé hetan durante sesaun lejizlativa lima (5) iha Lejizlatura dalimak nia tempu, hahú 2018 to'o 2023 no husi deskobrimentu sira ne'e, JSMP mós fornese rekomendasaun balun ba iha Lejizlatura VI nian atu bele konsidera no hadi'ak iha sira-nia mandatu.

¹ Bele asesu ba versaun elektrónika lei ne'e iha ne'e:

https://www.mj.gov.tl/jornal/public/docs/2008/serie_1/serie1_no48.pdf

² Bele asesu ba versaun elektrónika iha ne'e:

https://www.mj.gov.tl/jornal/public/docs/2009/serie_1/serie1_no40.pdf



JSMP no nia objetivu

JSMP nu'udar organizasaun sosiedade sivil ne'ebé regularmente halo observasaun regulár ba serbisu no funcionamentu Parlamentu Nasionál nian, partikularmente iha reuniaun plenária no Komisaun Especializada Permanente sira, liuliu Komisaun A hahú husi 2010 to'o ohin loron.

Objetivu mak atu kontribui ba promove serbisu no funcionamentu Parlamentu Nasionál ho di'ak, efetivu, transparente no akuntável iha hala'o nia knaar no kompeténsia konstitusionál tuir Konstituisaun no lei sira.

Produtividade Parlamentu Nasionál nian

Observasaun JSMP nian haree liu kona-ba produtividade Parlamentu Nasionál Lejizlatura V nian iha Plenária no Komisaun Especializada Permanente sira, partikularmente Komisaun A durante mandatu tinan 5 nian (2018-2023).

Parlamentu Nasionál iha Lejizlatura V hahú nia mandatu iha tinan 2018 ho postura política Aliansa Maioria Parlamentár (AMP) ne'ebé mak kompostu husi Partidu Kongresu Nasionál Rekonstrusaun Timorensé (CNRT), Partidu Libertasaun Populár (PLP) no Partidu Kmanek Haburas Unidade Nasionál Timor Oan (KHUNTO). AMP dizolvidu iha tinan 2020, hafoin CNRT deklara sai husi koligasaun ne'e.

Durante períodu 2018 to'o 2023 (tinan 5) Parlamentu Nasionál konsege prodús lei hamutuk 79³. Lei sira ne'e nu'udar rezultadu ikus husi projetu lei sira ne'ebé inisia husi Parlamentu Nasionál hamutuk 47 no proposta lei sira ne'ebé inisia husi Governu liuhusi ministériu competente sira no hetan aprovasaun husi konsellu Ministru hodi submete ba Parlamentu Nasionál hodi diskute no aprova hamutuk 44. Entre projetu no proposta lei sira ne'e, Parlamentu Nasionál konsege diskute no aprova iha finál global hodi haruka ba promulgasaun no publika iha Journál Repúblika hamutuk 79 no 12 mak la konsege.


Iha parte foti desizaun polítika nian, iha períodu tinan 2018 to'o 2023, Parlamentu Nasionál mós konsege prodús rezolusaun hamutuk 147⁴. Rezolusaun hirak nu'udar rezultadu ikus husi projetu rezolusaun husi Parlamentu Nasionál hamutuk 121 no proposta rezolusaun ne'ebé submete husi Governu hamutuk 29, entre totál ezbosu rezolusaun sira ne'e, iha ezbosu 3 mak la konsege aprova.

³ Bele asesu info kompleitu iha website jornal da republica: <https://www.mj.gov.tl/jornal/?q=node/12>

⁴ Info kompleitu bele asesu iha website jornal da republica: <https://www.mj.gov.tl/jornal/?q=node/19>

Bainhira halo komparasaun ho lejislatura sira uluk, lejislatura ida ne'e produtivu tebes, liuliu iha parte halo lei nian mezmuke hasoru pandemia Covid-19 iha 2019 no 2020 no mós inundasaun iha 2021. Alende produtividade, Lejislatura V mós nu'udar lejislatura ida ne'ebé halo inisiativa lei ka projetu lei barak liu. Iha lejislatura sira antes, Governu mak inisia lei barak liu hodi apresenta hanesan proposta ba iha Parlamentu Nasionál hodi halo konsultasaun públika, diskute no aprova. JSMP konsidera ida ne'e hanesan mudansa ida ne'ebé di'ak tebes no prátika di'ak sira hanesan ne'e bele kontinua iha lejislatura sira tuir mai.

Gráfiuku 1: Produtividade Lejislatura V no lejislatura sira seluk



JSMP mós haree katak Lejislatura V durante nia mandatu konsege diskute no aprova lei importante sira ne'ebé balun inisia iha lejislatura sira uluk nian no kaduka tiha hanesan Lei Protesaun Labarik no Joven iha Perigu ne'ebé hahú iha 2011, Lei Medida Prevensaun no Kombate Korrupsaun hahú iha 2012, Lei kona-ba Organizaun Investigaun Kriminál ne'ebé hahú iha 2014, nsst.

Tabela kona-ba lei importante sira ne'ebé Lejislatura V prodús

Númeru Lei	Naran Lei
Lei Nú. 4/2009	Rejime Laborál no Migratória Aplikável ba Projetu Bayu-Undan
Lei Nú. 12/2020	Lei kona-ba Protesaun Sivíl




Lei Nú. 7/2020	Lei kona-ba Medida sira Prevensaun no Kombate Korrupsaun
Lei Nú. 2/2020	Lei kona-ba Autorizasaun ba halo Transferénsia Estraordinária ba Fundu Petróleu
Lei Nú. 25/2021	Lei kona-ba Organizasaun Judisiária
Lei Nú. 23/2021	Lei kona-ba Podér Lokál no Desentralizasaun Administrativa
Lei Nú. 22/2021	Lei Eleitorál Munispál
Lei Nú. 12/2021	Lei kona-ba Kódigu Mineiru
Lei Nú. 6/2021	Lei kona-ba Rejime Jurídiku Arbitrajen Voluntária
Lei Nú. 14/2022	Lei kona-ba Kódigu Direitu Autór no Direitu Koneksu sira
Lei Nú. 9/2022	Lei kona-ba Organizasaun Investigasaun Kriminál
Lei Nú. 7/2022	Lei kona-ba Estatutu Ministériu Públiku
Lei Nú. 5/2022	Lei kona-ba Estatutu Majistradu Judisiál sira
Lei Nú. 4/2022	Lei kona-ba Rejime Jurídiku Asosiasaun Públika Profisionál
Lei Nú. 2/2022	Lei kona-ba Enkuadramentu OJE no Jestaun Finanseira Públika
Lei Nú. 16/2023	Lei kona-ba Finansa Munispál nian
Lei Nú. 11/2023	Lei kona-ba Seguransa, Saúde no Ijéniku iha Serbisu
Lei Nú. 9/2023	Lei kona-ba Ekonomia Sosiál
Lei Nú. 6/2023	Lei kona-ba Protesaun Labarik no Foinsa'e iha Perigu

Produtividade Komisaun A

Bazeia ba rezultadu observasaun JSMP nian, produtividade Parlamentu Nasionál sa'e iha Lejislatura V nian ne'e la ses husi esforsu tomak ne'ebé Deputadu sira Komisaun A halo durante sira-nia mandatu. Komisaun ne'e hetan orientasaun husi Prezidente Parlamentu Nasionál hodi nafatin kontinua ho halo diskusaun no aprovasaun ba lei sira ne'ebé Meza Parlamentu baixa iha tempu resesu parlamentar.

Tuir dadus ne'ebé JSMP hetan husi Sekretáriadu Téknika Komisaun A nian, iha tinan 2020 to'o 2023, Komisaun A PN halo diskusaun no aprovasaun ba ezbosu lei hamutuk 70 hodi apresenta mai iha plenária hodi halo diskusaun no aprovasaun hodi sai lei. Ida ne'e la inklui husi tinan 2018-2019. Produtividade Komisaun A nian mós sa'e ne'e, tuir JSMP nia haree relasiona ho mudansa iha lideransa Parlamentu Nasionál. Iha 2020, bainhira Parlamentu Nasionál lidera husi distintu deputadu Dr. Aniceto L. Guterres, iha mudansa iha produtividade Parlamentu nian tantu iha plenária nune'e mós iha Komisaun A.

Gráfiku 2: Númeru lei ne'ebé Komisaun A prodús entre 2020-2023



Lei sira ne'ebé Komisaun A prodús, tuir observasaun JSMP nian, kuaze lei hotu Komisaun A finaliza iha diskusaun no votasaun espesialidade hafoin submete ba plenária hodi halo de'it votasaun finál globál, maski sei iha lei balun membru deputadu Komisaun A balun halo rekursu hanesan Lei Organizasaun Judisiária iha Artigu 83 kona-ba Komisaun Rekrutamentu ba Juis Konselleiru sira iha Tribunál Supremu Justisa no selukseluk tan.

Problema no Dezafiu sira

Iha parte seluk, alende progresu sira ne'ebé JSMP deskreve iha leten, JSMP mós deskobre katak durante mandatu Lejizlatura V nian, iha mós problema no dezafiu balun ne'ebé tuir JSMP nian hanoin, Lejizlatura VI presiza tau iha konsiderasaun hodi hadi'ak no ultrapasa iha futuru.

Pontualidade no Falta

Pontualidade no falta deputadu sira-nian durante tempu naruk fó impaktu boot ba serbisu no funsionamentu nian. Ida ne'e tanba reuniaun plenária no Komisaun Espesializada Permanente sira-nian bele la'o no bele halo deliberasaun presiza kuórum.

Oráriu normál funsionamentu Parlamentu Nasionál nian iha dader hahú tuku 09:00 to'ó 12:30 no iha lokraik hahú 15:00 to'ó 18:00 hanesan prevee iha provizaun parágrafu 2) Artigu 46 Lei Nú. 15/2009 Lei kona-ba Rejimentu Parlamentu Nasionál. Kuórum atu Parlamentu Nasionál bele hahú serbisu reuniaun iha plenaria no Komisaun nian tenke 1/3 husi membru deputadu

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste

PoBox: 275

Telefone: 3323883 | 77040735


www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl

efetivu sira no kuórum atu halo desizaun ka deliberasaun tenke liuhusi metade ka sorin baluk husi membru deputadu efetivu sira. Ida ne'e signifika ho deputadu efetivu 65 ne'e, kuórum ba reuniaun plenaria presiza iha mínimu prezensa deputadu 21 ka 22 no atu halo desizaun presiza prezensa deputadu mínimu 33.



Durante observaun, JSMP deskobre katak Deputadu sira dala barak tama la tuir oras no falta ho justifikasaun ne'ebé barak tebes, maski iha ona direitu iha resesu parlamentár kada tinan durante fulan tolu hahú husi 15 Jullu-15 Setembru.

Gráfiku 3: Númeru deputadu ne'ebé la prezensa iha plenária liuhusi dala 15 ba leten

Gráfiku iha leten, JSMP foti de'it ezemplu husi sesaun lejizlativa dalima iha 2022 nian, husi Lejizlatura V nian ne'ebé deputadu barak tebes mak la marka prezensa iha reuniaun plenaria liuhusi dala 15 ba leten mezmuke ho justifikasaun. Tuir dadus prezensa deputadu sira-nian iha período ida ne'e, iha deputadu ida ka rua mak la marka prezensa to'o dala 50 ba leten no la iha substituisaun. Tuir JSMP nia haree, prátika hanesan ne'e la di'ak tanba deputadu ne'e husik hela asentu mamuk no la halo repzentasaun ne'ebé di'ak ba povu, partikularmente eleitór sira ne'ebé vota ba partido ne'ebé deputadu ne'e representa. Nune'e, JSMP hanoin, dalan ne'ebé di'ak liu no tuir lei mak ba deputadu sira ne'ebé la marka prezensa iha plenária no Komisaun ba tempu naruk ho razaun ne'ebé forte ka fundamentada, bele husu pedidu justifikasaun no substituisaun temporáriu tuir provizaun Artigu 5 no mós provizaun parágrafo 2) Artigu 4 Lei Nú. 15/2009 nian.



Fiskalizasaun

Bazeia ba rezultadu observasaun JSMP nian durante ne'e, deskobre katak atividade ka serbisu fiskalizasaun husi Komisaun Especializada Permanente sira ladun efetivu no halo despeza Estadu barak liu ba viazen Lokál no Internasionál sira. Relatóriu no mós rekomendasaun sira ba Governu barak la iha resposta ka Governu la halo mundansa ka hadi'ak. JSMP mós deskobre katak relatóriu sira fiskalizasaun apresenta tarde liu ka apresenta depoisde tinan fiskál hotu, nune'e, Governu labele halo buat ida hodi hadi'ak, tanba problema sira ne'ebé deskobre ne'e relaciona ho projetu sira iha tinan fiskál ida uluk nian.

Alende ne'e, tuir observasaun JSMP nian, knaar Parlamentu Nasionál nian ida ne'ebé durante ne'e ladun uza mak fiskalizasaun ba Aktu Lejizlativu Governu nian. Parlamentu Nasionál bele ezerse knaar ida ne'e hodi asegura katak diploma lejizlativu sira ne'ebé Governu prodús la kontráriu ho lei sira no refleta realidade no interese nasional.

Influénsia Polítika iha prosesu halo lei

Mezmuke Parlamentu Nasionál nu'udar órgaun polítika ida, tuir JSMP nia observasaun no hanoin, iha influénsia polítika partidária ne'ebé maka'as iha prosesu halo lei. Esbosu lei sira ne'ebé apresenta ba iha plenária dala barak mak aprova tuir de'it forsa polítika duke halo diskusaun, konsulta, analiza no peskiza kle'an antes halo aprovasaun.

Programa Lejizlasaun Nasionál

JSMP dala barak ona iha nia relatóriu anuál kona-ba Parlamentu Nasionál, propoin atu Parlamentu Nasionál iha kada lejizlatura kria Programa Lejizlasaun Nasionál. Programa ne'e bele tulun Parlamentu Nasionál hodi bele identifika lei sira ne'ebé presiza halo no sira ne'ebé mak sai priopriedade bele inklui iha planu lejizlasaun iha kada sesaun lejizlativa. Nune'e Parlamentu Nasionál bele hala'o nia knaar iha halo lei ho efetivu no eficiente liután.

Partisipasaun Públika iha Prosesu halo Lei

Mezmuke Parlamentu Nasionál iha Lejizlatura V nian produtivu tebes iha termu halo lei, iha parte partisipasaun públiku nian iha prosesu eleborasaun no diskusaun ba lei sira durante ne'e, JSMP haree katak sei menus no presiza hasa'e tan. Partisipasaun públiku nian importante, liuliu parte interesadu no relevante tanba bele asegura katak lei sira ne'e bele refleta ho di'ak realidade, aspirasaun no interese ema hotu nian.

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl



Lian ka Dalen Portugés

Lian ka dalen Portugés mezmuke sai nu'udar dalen ofisiál ida Timor-Leste nian, sei sai hanesan dezafiu ida ba públiku no mós deputadu sira rasik bainhira ezbosu lei hotuhotu dezenvolve iha Portugés. Realidade ida ne'e difikulta sosiedade sivil no deputadu sira rasik ne'ebé la kompriende lian Portugés atu bele participa ativu no efetivu iha prosesu diskusaun ba lei sira ne'e. Alende ne'e, la iha sumáriu ba konteudu inklui tempu ne'ebé natoon ba entidade relevante sira atu prepara no hato'o sira-nia paraser.

Revizaun ba Konstituisaun

Durante tinan 20 resin, iha mudansa barak mak akontese ne'ebé fó impaktu ba provizaun artigu balun husi K-RDTL. Impaktu sira ne'e halai liuba relevánsia no utilidade husi provizaun sira ne'e ho realidade atuál.

Provizaun husi artigu sira ne'e, tuir JSMP nia hanoin la iha ona relevánsia no utilidade ka mate ona, tanba realidade muda ona no asuntu sira ne'ebé prevee iha ne'ebá la iha ona. Nune'e, JSMP hanoin, presiza halo revizaun ba provizaun husi artigu sira ne'e atu bele refléta ho dí'ak ho realidade ka kontestu atuál. Artigu sira barak mak mate ka labele uza ona.

Artigu sira ne'ebé tuir JSMP nia hanoin presiza halo revizaun no revogasaun mak hanesan tuir mai ne'e:

- **Artigu 162 (Rekonsiliaun)** 1. Kompete ba Komisaun Simu, Lia-Loos no Rekonsiliaun nian hala'o knaar ne'ebé UNTAET nia Regulamentu No. 2001/10 fó ba nia. 2. Bainhira presiza, Parlamentu Nasionál bele halo fali definisaun ba kompeténsia, mandatu no objetivu sira Komisaun ne'e ninian.
- **Artigu 163 (Organizasaun Judisiál iha Tempu-leet)** 1. Instánsia judisiál koletivu ne'ebé iha Timór-Leste, ne'ebé juís nasional no internasionál sira integra, ho kompeténsia atu halo julgamentu ba krime boot sira ne'ebé ema halo husi 1 Janeiru to'o 25 Outubru 1999 hala'o nafatin ba tempu ne'ebé presiza duni atu remata prosesu sira-ne'ebé halo hela investigasaun ba. 2. Organizasaun judisiáriu ne'ebé iha Timór Leste laran bainhira Lei-Inan ne'e tama iha vigór sei la'o nafatin to'o wainhira sistema judisiáriu foun harii no hahú nia knaar.

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl



- **Artigu 165 (Direitu uluk nian)** Lei no regulamentu sira-ne'ebé hala'o hela iha Timór-Leste sei aplika nafatin, bainhira sira la iha alterasaun ka revogasaun ba sasán hotu-hotu ne'ebé la hasoru Lei-Inan no prinsípiu sira ne'ebé konsigna iha nia laran.
- **Artigu 167 (Transformasaun Assembleia Konstituente nian)** 1. Assembleia Konstituente fila-an ba Parlamentu Nasionál bainhira Repúblika nia Lei- Inan tama iha vigór. 2. Parlamentu Nasionál iha Deputadu na'in ualunulu resin ualu, iha de'it mandatu dala uluk ne'e nia laran. 3. Prezidente Assembleia Konstituente hala'o nafatin nia knaar to'o Parlamentu Nasionál hala'o eleisaun ba nia Prezidente, tuir Lei-Inan haruka.
- **Artigu 168 (Governu Tempu-leet ba rua)** Tuir UNTAET nia regulamentu 2001/28, governu nomeadu sei hala'o nia knaar to'o governu konstitusionál ba dalauluk simu pose hosi Prezidente-Repúblika, tuir Lei-Inan haruka.
- **Artigu 169 (Eleisaun prezidensiál 2002 ninian)** Prezidente-Repúblika ida-ne'ebé hili tuir UNTAET nia Regulamentu No. 2002/01, sei kaer kompeténsia no halo tuir mandatu ne'ebé mai iha Lei-Inan.

Alende ne'e, iha mós artigu ne'ebé JSMP hanoin persija halo alterasaun atu bele refleta ho di'ak realidade Timor nian. Provizaun artigu ne'e mak hanesan tuir mai ne'e:

- **Artigu 75 Elejibilidade atu sai Prezidente Repúblika** 1. Bele tuir kandidatura ba Prezidente Repúblika sidadaun timoroan sira-ne'ebé..., d) Ne'ebé hetan proposta husi sidadaun hili-na'in mínimu nain rihun lima.

JSMP haree katak númeru eleitór sira kada eleisaun aumenta, exemplu iha tinan 2023, totál eleitór sira rejistadu hamutuk 890,145. Ho nune'e, JSMP hanoin katak importante tebes atu hasae númeru proponente ba proposta atu kandidata Prezidente Repúblika ho proposionál.

Konkluzau no Rekomendasaun

Bazeia ba deskobrimentu sira ne'ebé JSMP deskreve iha leten, JSMP konklui sumáriu informasaun ida ne'e ho nia rekomendasaun ba Parlamentu Nasionál Lejislatura VI nian atu:

1. hala'o serbisu no asegura funcionamentu Parlamentu Nasionál nian, liuliu kuórum ba reuniaun no deliberaun ho tama sai pontuál tuir Rejimentu Parlamentu nian.
2. halo pedidu ba justifikasaun no substituisaun temporáriu bainhira la marka prezensa iha tempu naruk iha reuniaun plenária no komisaun nian tanba razaun fundamentada ruma.
3. estabeselese mekanizmu própriu ida ba fiskalizaun ba aktu lejizlativu sira hodi bele fasilita deputadu sira bele asesu ba informasaun sira kona-ba diploma lejizlativu foun sira ne'ebé Governu prodús hodi halo apresiasaun liuhusi reuniaun plenária.

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl



4. bele kria regulamentu kona-ba fiskalizaun ba ezekusaun orsamentu estadu no programa Governu iha baze ka munisípiu, hodi bele tau prioriedade ba fiskalizaun ba kestaun ka asuntu ka projetu sira ne'ebé iha keixa ka mosu iregulariedade no prevee kedas limitasaun ba apresenta relatóriu iha plenária ho másimu loron 30 no fó sansaun bainhira relatóriu la apresenta tuir tempu limite.
5. Konvida representante Governu ka Ministériu ka Diresaun relevante sira ne'ebé responsavel ba asuntu ka kestaun sira ne'ebé Komisaun sira ba halo fiskalizaun hodi marka prezensa iha plenária hodi rona diretamente preokupasaun no rekomendasaun sira iha relatóriu sira ne'e atu sira bele tau iha konsiderasaun hodi bele responde imediata.
6. atu evita halo influénsia política ne'ebé fó impaktu ba qualidade no produtividade PN iha halo lei.
7. halo audénsia pública ho entidade relevante sira hodi diskute no halo analiza kle'an ba esbosu lei sira ne'ebé Parlamentu Nasionál diskuti antes aprova.
8. Halo konsulta hodi husu opiniaun no peskiza sira husi entidade relevante sira, bainhira Deputadu ka Bankada sira atu elabora esbosu lei ruma.
9. Presiza estabelese Programa Lejizlasaun Nasionál ba tinan lima nian ka durante mandatu Lejizlatura VI nian hodi bele guia deputadu Parlamentu Nasionál atu hala'o serbisu iha área lejizlasaun nian ho di'ak no efetivu.
10. halo Revizaun ba Konstituisaun RDTL hodi bele refleto di'ak ba realidade atúal povu Timor-Leste nian.
11. Presiza regula filafali falta ho justifikasaun ho esesaun kondisaun sira ne'ebé nesesáriu ba meza bele permite atu justifika hodi nune'e bele evita kuórum funsionamentu iha plenária no komisaun lao ho normál.
12. Esbosu Lei, persija halo Sumáriu ho dalen Tetun ba konteúdu husi esbosu lei sira ne'e atu facilita sociedade sivíl no mós deputadu sira hodi hato'o sira-nia opiniaun iha diskusaun sira. Nomós presiza fó tempu ne'ebé suficiente ba parte interesadu no sociedade sivíl atu prepara paraser ba ezbosu lei sira.

Atu hetan informasaun liutan favór kontaktu :

Ana Paula Marçal
Diretora Ezekutiva JSMP
Telefone : 3323883/77040735
Diresaun e-mail:ana@jsmp.tl

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste
PoBox: 275
Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl